

仁和縣志卷五

湖廣江陵縣知縣致仕仁和沈朝宣纂著

學校

本學沿革

學在宋時附臨安府學紹興三年令孫廷直建廟於觀橋西北縣治之東嘉定五年令姚師虎建學廟左八年令趙希言創齋四曰教文教行教忠教信嘉熙四年尹趙與歡遷縣之簿解以其址充廣學基淳祐九年令李從重建元仍之至元中教諭余志賢改作至正中民火延燎

仁和縣志卷五

一

皇明洪武三年令徐珪復建乃闢射圃置觀德亭十一年教諭沈尊訓導卜埜瞿佑病其卑隘知宋太學在前洋街者入元改爲西湖書院元亡書院亦廢而廟學尙存尊等言于大府改建仁和縣學天順三年巡按官謂其逼近憲司不便肄業奏拆廟學舊材徙置湧金門南今府學西實舊貢院基址也學在前洋街時改彝倫堂爲明倫堂齋減四爲二卧碑一座在堂之東堂之後舊爲重屋卽宋太學之尊經閣今廢饌堂三間庖福俱在學之西廡廩在學之東亦仍書院之舊生員號房在學之西

偏架閣庫在學之東學旣徙今處凡此俱變易不同矣

廟

廟居學之前大成殿五間東西兩廡各十五間戟門三重靈星門三閒欽奉

今上頒降敬一箴御註五箴皆刻石立碑蓋亭以藏之列于戟門外東西凡遇春秋丁祭雖附府學隨班行禮然祭畢時本縣復以少牢禮祀之獨朔望行香悉附府學廟宇年深材朽日就傾圮勢不可支嘉靖二十四年學諭陳君助仰宇盡心履庭興

仁和縣志卷五

二

感甚非所以安神靈而展恭敬也乃謀諸司訓蒞君璽凌君炯率諸士子往陳郡守嚴公寬爲建合于上司咸曰傾圮若茲宜改作之爰委邑令程君良出公帑財命工鳩材弗越歲落成煥然改觀矣前監察御史錢塘南衡童漢臣撰重建孔子廟碑

啟聖祠

啟聖祠因學無空地羣議將訓導居室遷于號房西北乃用其基地建祠不得已也祠堂屋三間東西廡屋各二間外墻一帶門樓一座

學

學居廟之後明倫堂五間中三間為正堂東一間為祭器庫西一間為架閣庫堂之東北卧碑一座堂之西北舊科目題名碑一座堂之西乃魏尚書驥撰遷廟學碑記夏大理卿時正撰重修儒學碑記一座粘御史燦撰重修儒學明倫堂記碑一座張進士洽撰重建科目題名碑記一座其記文具載于下堂之東南隅為正心齋堂之西南隅為誠意齋各五間堂之東北角為土神祠并學倉外為門房三間去門六十步立石坊一座上書仁和縣儒學門之西去不百步亦立側門房三間其碑額

仁和縣志卷五

三

亦言如前

魏驥遷廟學記

巡按浙江監察御史古灤閻鼎以仁和縣學卑隘且東接按察司西連其司之囹圄嘆曰此豈可為崇清廟肅絃誦之所乎乃謀之浙江左布政使梁葵按察使曾蒙簡等咸以為然於是相地得舊貢院之址高亢為宜言于朝乃擇日始事委布政司檢校駱義監督杭州知府胡濬往來經營之其材則本諸舊而易以新者半禮殿五間兩廡三十間前蔽戟門外列靈星明倫堂五間兩齋一十間下至倉庫庖湏之類凡學所宜有者無不備其費出於公而財不傷工出於備而民不擾化卑隘為弘敞肇工於天順三年之六月訖工於是年之十月既落成教諭畢昇謂不可無述以示來者請記於夫子學校實風化賢才之攸繫故歷代重之至我朝延崇重之意視前代有加誠于載一時也然學既新矣為士子者處茲閱耀之地不可徒資之以為觀美亦當一新其志

去凡近進高明毋專事虛文以圖利祿而亡
厥重要一以古之名臣賢相自期應時需展
所蘊上不負朝廷崇重之意下
不負諸重臣作興之美而後可

夏時

正改建學廟記 橋之西北洪武間即前元

西湖書院為之者在郡城紀家橋東天順三
年徒湧金門南舊貢院址不二十五年殿
與學壹皆上漏下穿不禁風雨且將頽壓而
莫撐支師生皇皇無以爲謀乃言之按察司
言之布政司言之巡按御史而皆聽之遂以
劄府同知李杲區畫衆材帖下冠帶義官吳
諫董視羣役無何衆材山峙羣役雲興肇事
于成化辛丑四月十有三日巧者獻能力者
獻勤撤其腐敗易以堅良適其德漫煥以丹
碧補乎故所闕軼創乎新所加增訖工于明
年壬寅正月十五日師生謂宜文記其成屬
之時正辭不獲乃爲言曰洪惟我朝法古
爲治文命敷于四海學校徧滿天下一朝內
外臣僚仰承德意急先務而莫之敢後誠以

仁和縣志卷五

四

天下之大需賢材以共理也賢才之生必學
校以養成之也仁和密邇三司首善之地其
尤在所宜先者乎夫惟古學校之道其何如
有道而賢材之爲學也亦必以道其道何如
若大則莫先于正心也其工夫準的莫急乎明
義利之辨也是故師之所教也弟子之學也
義而非義不敢以之爲教也弟子之學也夫
學壹是皆以義而非義不敢以之爲教也夫
如是則心無不正身無不修由是推而達之
上以奉乎其君行其義也夙興夜寐以事一
人其有不義若則臨大節不可奪也下以臨
民務民之義若保赤子心誠求之務有以得
其心也言惟君子喻于義也雞鳴而起孳孳
乎以求夫義所當爲急而爲之雖日不暇給也
由是功高而名流業廣而祿享雖不求利而
利自無不至也小人喻于利也雞鳴而起孳
孳乎以屬乎籛壑之無厭未得患得既得患
喪日不暇給也由是聲稱日以曠節義之俱
喪甚者立身一敗萬事互裂則亦何益之有

哉然而父兄其猶以是而願望之朋友其猶以是而染習之為之師者其猶以是而誘導之吾末如之何也已矣子謂子夏曰汝為君子儒無為小人儒他日又曰古之學者為己今之學者為人為人者小人儒乎為己者君子儒乎差毫釐而繆千里故術不可不慎也若夫靈兒秩秩廟貌巍巍仰而瞻俯而思洋洋乎如在其上如在其左右也五經四書日星朗曜聖謨洋洋嘉言孔彰時聖賢儼乎其接德容也藹乎其聆響欬也其于潛孚默契蓋有不言而喻者矣何幸遭逢盛際陶鎔沐浴之深期為君子儒上無負于聖天子下無負于所學也歟其為小人儒也則亦存乎其人是耳時正老矣猶願與諸士子交相勸也

粘燦明倫堂題名記

正德己卯春掌銓者以予

有故習未除趨嚮弗類者予則日與講疑義厲修檢嚴日課不數月而環立几下者其拜

仁和縣志卷五

五

俯步趨動定語默新故漸不相襲說者謂仁者其蠱傲猶夫故也日講習坐其下者恆慄慄然忽夏至日撤講未移刻而棟宇覆壓器用傲盡予與諸生輩偶幸而免也豈造物者亮其志憫其愚欲新其規以逢其會乎于時邑令匪人杭守畱志淑氏急起而營之更其宋之蠹者榱桷之剝削者與夫綽楔柱櫨之缺折敲腐弗材者工勤力疾越月而輪奐一新焉予時搏髀拊案歎曰士既新而居是士者亦新宇宙間物理氣數之相植固如此哉然輪奐茲新要亦草創規畫耳若夫齋廊櫺壁殿廡簷楹與凡藻繪粉飾之工猶有未能悉備者未幾畱且去且復再至未幾復膺擢嗣畱者蒞政概無何且亦未遑也而邑令匪人視昔益加甚成畱志以完所規畫伊誰歟新塗廖瑜氏蓋承于令者獨有志于是瑜志雖勤而分量則有限幸而吾輩司風紀者尙有人能去其甚者且嘉其賢者時以瑜署令事瑜惟是得加補治修葺既而得新令李

義壯氏而規制始復完焉瑜以子悉而事謀
司訓車君鼐遺幣索子記之子謂庠舍居是
上者其規模既新復補其所未完則所居為
完居而士習既新復勉其所未盡則其士亦
為完人子與諸生向雖樂相與以有成願未
能是而予未必盡可師生輩亦必有所未盡
其未能者時能以完人自期待則人將曰仁
和有完居且孳孳勉為完人是又物理氣
數之復有相值者正予之願有聞者也故
記之專有望夫物理氣數之復相值也已

職制

教諭一員 訓導一員 廩膳生員二十名
增廣生員二十名 附學生員不限數 司吏一
名 齋夫六名 膳夫八名 庫子二名 斗級
三名 門子六名 啓聖祠門子一名 俸糧教

仁和縣志卷五

六

諭每月三石 訓導每月三石 廩膳每月一石
廨宇

教諭廨舍在明倫堂後廳房三間西厦一間為司
吏書辦之所東西廂房各二間後內室三間以備
燕居寢食前廳之西築圃扁曰藏春圃稍北構亭
扁曰琢玉亭亭之前鑿池扁曰教思池皆教諭李
璧為之正心齋訓導廨舍在號房西北門樓一座
廳房三間後房三間披房三間誠意齋廨舍門樓
一座廳房三間後房三間

教職題名

沈尊 洪武十一年在任是年與訓導卜堃瞿佑以學在觀橋卑隘請遷于元西湖書院

賴天貴 福建清流人永樂十五年至二十二年任

林賢 宣德二年任

烏祥 常州武進縣人正統二年任

聶大年 江西臨川人景泰元年任後薦入翰林修史

畢昇 直隸鎮江府丹徒人天順三年在任時學遷湧金門南昇請為記升廣西教授

劉煥 河南洧州人由舉人成化三年任

胡贊 湖廣武陵人由舉人成化八年任後致仕

林邦輝 福建莆田人由舉人成化十五年任清遠縣知縣

張厥中 四川眉州人由舉人成化二十三年任紹興府教授

仁和縣志卷五

七

李恭 福建莆田人由舉人弘治九年任歷四年

王翰 應天府江甯人由舉人弘治十三年任歷五年陞紹興府通判

李璧 字白夫廣西武緣人由舉人正德元年任歷七年陞四川保甯府

李章 字德憲廣東順德縣人由舉人正德九年任

粘燦 字中美福建晉江縣人正德十三年到任歷年陞南京山西道御史以考察罷回

葉相 廣東瓊山縣人由舉人嘉靖三年到任歷四年陞金華府義烏縣知縣

黃城 福建福甯州福安縣人由監生嘉靖八年到任

汪天錫 直隸徽州府婺源縣人由舉人嘉靖十二年到任

宋任 廣西桂林府桂林縣人嘉靖十五年到任陞寶應縣知縣

陳敘 直隸鳳陽府壽州人由監生嘉靖十六年到任陞金華府教授

梁木 廣東廣州府新會縣人由選貢嘉靖二十三年到任

陳助 字相天直隸淮安府安東縣人由選貢除府學訓導嘉靖二十四年正月陞本縣教諭到任

以上教諭

卜埜 杭州府錢塘縣人洪武十一年在任陞周府長史

瞿佑 杭州府錢塘縣人洪武十一年在任陞周府長史

劉敷 宣德二年任

潘楷 紹興府餘姚縣人由薦舉宣德口年至正德三年在任陞授監察御史

聶大年 江西臨川縣人由明經薦舉正統年在任陞本學教諭

羅恭 江西人正統年在任

仁和縣志卷五

八

儲燦 常州府宜興縣人景泰元年

陳旦 常州府江陰縣人景泰七年至天順三年在任陞武清縣教諭

黎奎 字大度天順初年在任

紀濬之 池州府貴池縣人成化四年在任

吳貞 淮安府山陽縣人成化六年任

蔣琮 淮安府山陽縣人由舉人成化八年任至十四年在任

葉拯 福建閩縣人由舉人成化十五年任至十八年在任

吳學儉 江西餘干縣人由舉人成化十四年任至十七年在任

蔣茂 廣西興安縣人由舉人成化十七年任陞興府紀善

吳省 福建建陽縣人由舉人成化二十三年到任歷九年陞海陽縣教諭

鄺澄 廣東海南縣人由舉人弘治四年到任歷九年陞南京大理寺司務

黃鐸 河南歸德州人由監生弘治九年到任歷九年陞景甯縣教諭

周選 江西安福縣人由舉人弘治十五年到任歷九年陞知縣

梁楠 福建閩縣人由舉人弘治十八年到任歷八年

馬應奎 四川重慶府巴縣人由監生正德七年到任歷九年陞湖廣上津縣教諭

高弘仁 廣東順德縣人由監生正德九年到任歷八年陞府教授

車鼎 江西金谿縣人嘉靖元年到任歷八年陞教諭

羅正 廣東高要縣人由監生嘉靖二年到任歷八年陞

周璠 直隸蘇州府太倉州人由監生嘉靖五年到任歷五年

蕭可進 江西廬陵縣人由監生嘉靖十五年到任七年歷陞建平縣知縣

仁和縣志卷五

九

黃廷儀 福建侯官縣人嘉靖十八年到任歷五年陞上津縣教諭

凌炯 直隸揚州府泰州人由監生嘉靖二十四年到任

芮璽 字文信應天府高淳縣人由監生嘉靖二十二年到任

黃如山 字仲仁直隸徽州府歙縣人由監生嘉靖二十六年到任

以上訓導

教諭李公璧撰仁和縣學題名記 唯天下學校立

矣成周六典師無專職鄉庠主以鄉大夫州序主以州長黨校主以黨正蓋兼官也漢唐而下郡國州縣之學或置經師或置博士助教或置教授教諭時則有專職焉我國家稽古右文建置學官府有教授州有學正縣有教諭以為之長而又咸設訓導以佐之至若選授之法員資之制育成之方亦惟隨時損益代有不同期得人敷教造士以隆

治化美風俗彼此一而已矣璧初試濫膺薦
谿教諭正德元年春改仁和仁和為浙文獻
首邑湖山鍾靈人材輩出名卿碩儒焜燿前
後雖曰天實生之以基邦家而安社稷然朝
廷作養之功師儒誘掖之力要皆不可誣也
昔之仕于是者若聶君大年之文畢君昇之
廉潘君楷之剛皆卓然著聞其餘善可稱者
時不乏人奈何以璧之寡陋尸素于其間其
何能紹前修而淑後進乎竊嘗有志願勉師
道以補偏塞責而殷鑒近取孰與前哲尚論
追式顧名氏歲久泯湮無從備錄爰旁搜博
訪合今昔僅得三十餘人載于牘諸生閒而
請曰古之登名者或題名于塔遊覽者或題
名于山矧諸先生受 天子命相繼臨蒞一
邑擁皋比育青衿而名氏顧闕焉弗題奚可
哉願刻諸堂壇以繫眾思而示後嗣璧曰然
此誠承乏者之責也乃比次列書召工勒
石余賤姓名亦竊附焉用告于後之君子

射圃舊在潘閩巷東水利道西教官率生員習射

仁和縣志卷五

五

於此正德末年因密邇法司徒置水溝巷西

尊經閣宋高宗御書易詩書左氏春秋禮記中庸

大學學記儒行經解五篇論語孟子刻石臨安府

尹趙礪老於太學建閣曰尊經奉安墨本閣上石

刻置閣下宋亡太學廢元改為西湖書院

皇明又改為仁和縣學墨本亡久石刻在焉今學徙

其石刻與聖賢像贊理宗道統十三贊并序石刻

並從而徙置今學正德年間巡按浙江監察御史

宋公廷佐徙置府學聖賢像贊紹興二十六年刻

石安于太學仍 碑本賜州府軍監學校高宗自

爲序宣德閒巡按浙江監察御史吳公訥以序文及秦檜後記非經倬道剗去今不載

三賢祠祀唐杭州刺史白樂天宋處士林和靖知杭州蘇軾舊在西湖蘇堤鎖瀾橋元徙祠於故宋舊太學因名太學爲西湖書院

皇明改書院爲仁和學祠仍附今徙學于府學之西祠亦徙附府學之右天順三年郡守吳濬訪尋三賢祠之舊址復建祠于孤山東麓爲此本學今無三賢祠焉舊學之在觀橋之北者亦有三賢祠祀唐褚無量許遠崔貢舊學廢而舊三賢祠亦廢

仁和縣志卷五

十

岳鄂王祠元改建西湖書院時因其地舊爲王之第宅故建祠奉王爲土神後改書院爲仁和縣學祠仍舊後徙學祠亦從徙附學之左

鄉賢祠

晉

中尉褚公陶字季雅仁和人幼時不好嬉戲而聰慧過人清閒淡默以墳典自娛年十三作鷗鳥水磴二賦見者奇之陶嘗謂所親曰聖賢盡在黃卷中舍此何求州郡屢辟不就吳平召爲郎張華謂陸機曰君兄弟龍躍雲津顧彥先鳳鳴朝陽竊謂

東南之寶已盡不意復見褚生後官至中尉卒

梁

參軍記室褚公修字□□仁和人父仲都善周易
修少傳父業善尺牘辨文章武陵王爲揚州引爲
宣惠參軍帳中記室性至孝父喪毀瘠過禮及遭母
喪水漿不入口經二十三日氣絕復蘇每號慟嘔
血竟以哀毀卒詳見人物按褚陶褚修舊志俱列
在仁和境內者
錢塘蓋以未立仁和雖
慨入錢塘也

唐

右僕射褚公遂良字登善仁和人卽三國時褚泰

仁和县志卷五

士

後裔性剛直工隸楷累遷起居郎侍書居官直言
屢廷諍不阿卒以直諫貶死詳見人物

宋

葉文康時字秀發仁和人幼孤力學登淳熙進士
及第授秦國節度推官兩浙運使幹辦公事知龍
泉縣有美政懿行歷糧料院遷太常簿祕書郎進
疏當法祖宗蘇民困無專財賦及擢監察御史遷
殿中侍御史復轉諫議大夫權禮部尙書吏部尙
書累陞至顯謨閣學士進龍圖閣學士光祿大夫
致仕卒贈開府儀同三司爵南陽郡開國公諡文

康居官好直言不忌權勢議論侃侃咸切時務性
穎敏究徹性命道德之學與紫陽朱晦菴相友善
尤精于周禮所著有禮經會元竹塹集藏于家詳
見人物

密州文學崔先生貢字廷頌仁和人爲人端重有
學識大觀中以孝弟睦姻任恤中和八行應詔鄉
人尊之曰八行先生詳見人物

元

處士吾邱貞白先生衍字子行仁和人隱居教授
文行表表詳見人物

仁和縣志卷五

十三

皇明

僉事王公琦字文璣仁和人由鄉貢試禮部居乙
榜授汝州學正擢監察御史以學行淳雅陞山西
按察司提學僉事一時士風丕變清議歸重改四
川不樂卽乞致仕年方五十公素以清介自持在
官門無私謁居常不治生產值歲荒歉無以資朝
夕冬暮大雪僵卧不能出門戶雖故舊有餽遺亦
不苟受竟以飢寒死詳見人物

侍講王公洪字希範仁和人年十八登進士入翰
林爲檢討修永樂大典充副總裁侍講有旨命

作佛曲序洪不應 詔下以正直稱之後卧病卒
知府何公灑字彥容魁浙鄉薦登進士授刑部主
事轉員外郎中性剛正居官廉慎執法不阿或以
事干者厲聲峻絕聲譽益揚擢湖廣辰州府知府
剛正如初雖總戎鎮守恃寵肆殘亦劾去之境內
肅清其爲政一以鋤強扶善爲心民皆德之去之
日爲立生祠逮致政歸囊篋蕭然旦夕以詩酒自
適絕跡公府後以子琮貴累贈通政使

教諭周公倫字序昌領正統甲子鄉薦兩試禮闈
不利官訓導無何丁母憂起復仍丁繼母憂逮後

仁和縣志卷五

三

丁父憂其居喪哀毀過常祭葬悉以禮鄉人式之
居官剛介尚義足起貪懦素心承迎僅擢教諭謂
宦情不過如此遂致仕從是以林泉爲樂非分不
爲提學吳公用郡人沈知府薦批祀學宮俾後學
有所瞻仰

太常寺卿諡襄敏王公獻字惟臣仁和人幼穎異
讀書日記數百言終身不忘年甫十七領鄉薦登
明年進士時有 旨與柯狀元潛等十八人進學
中祕賜居第給大官酒饌及膏紙費 命輔臣教
之公感際遇非常益肆力于學以思報劾自編修

累陞至侍讀學士在翰林者三十有七年同考會
試者一主考順天鄉試者一主考會試者一充
廷試讀卷者二嘗修寰宇志及宋元通鑑其爲人
性度坦夷衿宇澄霽與人交洞見底裏爲人謀不
擇利害壽僅五十有三遭奸人誣構不獲柄用以
究所施輿論惜之

參政江公珙字良用仁和人早失怙家值火厄極
力經營奮不墜業領鄉薦者十年登景泰辛未進
士初授禮科給事中轉刑科正色立朝抗疏廷諍
無所顧避貴戚爲之斂手論事務持大體不尙矯

仁和縣志卷五

古

激嘗陳六事曰崇孝敬錄忠義備財用募勇壯公
賞罰嚴守禦悉蒙溫允施行至于扶善辨冤鋤強
救弱人多稱快以不媚權勢僅擢山東左參議遷
右參政所至恩威兼濟德澤有加年六十四以疾
致仕歸囊單薄家業無增從是杜門避事與相知
者詩酒盤桓嘗訓諸子曰爾輩讀書服賈各事乃
事咸不可逆天理壞心術吾家以清約勤慎自持
爾輩不可有變卒六十九歲詳見人物

郎中項公麒字文祥幼穎敏積學善文領正統丁
卯鄉薦景泰七年授吏部司務旣而遷工部郎中

平生廉敏公平忠勤明決成化改元 詔求直言
公以五事上陳曰務正學納諫諍崇節義屏近習
弭大變悉蒙嘉納成化十七年因病乞休准致仕
從此杜門不謁公府居家窘迫廚無兼日公處之
怡然吟詠自若弘治間巡按吳公知公高行特加
優典少甦清苦正德間巡按唐公訪知清標苦節
忠孝克全命有司爲立碑坊題曰忠清里與同里
王僉憲琦配祀唐僕射褚公祠嘉靖初憲副何公
送二公從祀鄉賢祠詳見人物

兵部左侍郎何公琮字文璧登景泰甲戌進士初

仁和縣志卷五

五

授禮科給事中改刑科已而 命掌六科立朝頗
久每以危言抗論排斥權倖切濟治道扶持 國
本嘗請嚴學政端士習爲時所稱在通政司二十
年諳練事體敷奏詳明及佐兵部留心選將厚儲
養兵籌畫邊務惟懷永圖俾無西顧之憂歷官三
十六年勤慎廉介如一日在任不忘鄉土奏請濬
復西湖杭人陰受其惠孫繼高嘉靖壬辰進士
太常寺少卿鄭公環字瑤夫仁和人自幼穎敏異
常童時已露頭角動止老成父郎中字良戴遊宦
兩京留公侍養大父母於家甚得其懽心甫弱冠

綜理家政少暇刻苦問學隆師親友能自淬勵探
索理學深明易道領景泰癸卯鄉薦登天順庚辰
進士初授編修未幾丁父憂執喪哀毀足迹不至
公府藩臬諸公雅相敬重一爲會試同考先後爲
南北二畿主考嘗授 簡命纂

英廟實錄成陞修撰受白金文綺綵段之賜後以母
洪宜人 在堂久違侍養疏乞歸省 詔許之宜人
壽且高別無母兄弟侍養欲迎養不遂又不忍去
乃以屬妻潘夫人公攜二子往京獨處一室蕭然
若僧舍或勸其納婢妾輒辭之後以編纂資治通

仁和縣志卷五

六

鑑綱目成進司經局太子洗馬未幾以宰職薦陞
南京太常寺少卿得以奉宜人之官金陵奉養僅
三載因宜人懷鄉土乃奉歸杭仍留二子侍養獨
與季子赴京無何染疫卒于官舍攷公平生終始
不忘于孝其他文章事業特餘事耳

禮部右侍郎汪公諧字伯諧登天順庚辰進士選
入翰林爲庶吉士陞編修累陞至禮部尚書性明
敏洞究理學通子史持身謙謹與人相處和而不
流素恥干謁或有頻往公輔門者心竊惡之操守
清白人無瑕疵作文典雅遺範後人

禮部文昭江公瀾字文瀾登成化戊戌進士選入翰林爲庶吉士讀中祕書久乃考授編修累陞至南京禮部尙書爲人謙和詳慎犯而不校居史館與修兩朝實錄筆削惟公兩充經筵講官開陳以道務期啟沃先後典南北兩畿文衡得人特盛後選吏部右侍郎惟知協心銓選凡請託餽遺悉謝絕時論推重考公平生自孝友之外篤于故舊有喪不能舉旅不能回者咸資給俾得其所居官雖久不自封植而家業如常惟知以清約遺子孫故其爲子孫者雖科第相聯祿位顯榮終不變家

仁 and 縣志卷五

七

風所著有東川藁瀛洲藁銓曹日錄春庭思補藁藏于家卒年六十有四 賜祭葬贈太子少保諡文昭

敕贈少保兵部尙書端敏胡公世甯字永清仁和人弘治壬子科魁浙鄉薦登癸丑進士初授湖廣德安府推官人已服其訊鞠嚴明當途交譽累陞江西按察司兵備副使時則逆知甯藩反謀先事陳奏雖遭中貴誣陷謫戍遼左終以甯藩反敗公心迹大明起爲湖廣按察使都僉都御史連陞官至兵部尙書參贊機務加太子少保明年公薨考

公平生心術光明操持廉潔謨猷宏遠踐履剛方
訃聞輟朝賜祭葬贈太子太保諡端敏後以江西
浙江巡按御史議于南昌杭州俱與餘姚孫公燧
王公守仁同祀焉詳見人物

太僕寺卿康僖邵公銳字思抑仁和人生而穎拔
善問學識見日充文辭精麗早領鄉薦舉正德戊
辰會試第一登是年進士選入翰林爲庶吉士擢
編修爲倖進者累及調甯國府推官轉郎署隨事
效忠綽有聲譽兩陞督學務在曲成人材後先相
望遷憲長遷方伯未幾遷太僕卿履歷之階日寢

仁和縣志卷五

六

以崇而其才猷氣節始終如一語其居家則孝友
兩全鄉閭心服時方擬其柄用竟以疾作乞歸不
久卒于家居官三十餘載囊無數金訃聞 賜祭
葬贈右副都御史諡康僖詳見人物

僉事江公暉字景孚自幼丰神秀異資性聰明因
兄侍郎公曉以春秋中會魁心竊慕之遂從受經
學未幾果領正德丙子浙試亞魁明年會魁以進
士高第選入翰林爲庶吉士

武廟將南巡公偕舒芬輩首疏諫沮自此羣疏方陳
上震怒各痛杖數十幾絕復蘇時乃以罪言出

知廣德州自莅任究心民隱鋤去巨惡積害始除
利澤悠遠嘉靖初 詔復編修州民爲立生祠樹
去思碑無何見忌當途因擢爲河南按察司僉事
實疏之也忽罹疾得請歸閒竟以疾不起時年三
十六物議謂公志高學富不究才猷惜哉

右參政朱公鏞字廷用領景泰庚午鄉薦尋登進
士授南京兵部主事累陞至廣西右參政平生光
明正大不詭不隨及居官見義勇爲不懼權勢至
于興革利弊一以愛民爲主宦情素淡早疏乞閒
時則年猶強壯至家深居簡出不干世務卒之日

仁和縣志卷五

九

家無遺囊不增尺寸人皆賢之

僉事朱公德字懿卿登成化丁未進士幼聰警不
羣及長有志節欲事舉子業以樹功顯親父以家
貧每責其服賈以給朝夕公哀懇再三竟獲償志
授官初委掌徒役事于山東才名藉藉而當路交
推擢南京湖廣道御史時則深明憲體獨持風裁
在道五年因水旱饑饉上保民敦本四事後以地
震復陳五事內監蔣琮爲南守備以威權排逐搢
紳事多不法公劾正之輔臣邱濬昵比儉人劉文
恭誣構王家宰恕公按問無跡乃抗疏劾邱由是

直聲動海宇其志將欲次第有爲適擢湖廣僉事時地方姦宄縱橫殺害良善且藩府工役浩繁民不堪命公奮然翦除萬民樂業或以不悅於親少公豈知乃公偏昵少子逾分苛責而公之孝則有加也

知州吳公瓚字美中仁和人自幼質魯至弱冠始習儒業遭家不裕奮志直前功逾百倍年三十有三魁浙江鄉試登弘治庚戌進士初授江西弋陽縣尹以三年考最改吉水永新在任廉明仁謹屢受旌獎以弗善事上官僅權南通州守甫四月疾

仁和縣志卷五

三

作懇求去位得准休致從是杜門謝事不干公府日與乃公詩酒倡酬父母樂其善養咸底高壽旣而相繼謝世公執喪如禮足以遺範鄉間因內夫人善綜理遂挈家務委之而一毫不營諸念時省城內外鄉宦約三十餘人稔知志趣相協者訂盟爲遊樂會推公居首凡歲時伏臘與夫佳節芳辰則遞相宴飲期以自適于是繪圖鏡梓傳播四方人竊慕之屢與鄉飲賓席人謂稀見卒年壽躋九十一歲世稱爲地仙

鄭處士孟紳字宗儒太常卓菴公之季子仁和人

自幼孝友天成動止質樸嘗從事儒業以太常公清約終身別無貲儲處士歎曰不可當吾世隳先人門戶乃往殖貨江湖閒勤苦二十餘載克以貲歸乃堂乃構家用寢饒乃自諉曰是不足守宗祧乎遂不復出始太常公官兩京或不攜家累惟處士隨凡朝夕飲食服用就養無方故太常公心常憚不異家居焉後遭太常公薨于邸處士獨殮以歸不愆于禮會時宰欲援其入冑監力以非序懇辭士論義之友睦二兄孟繩孟性不乖天顯對妻子如賓客財不苟疑有貸無償恒折券以遺之終

仁和縣志卷五

三

身與物無競鄉士稱爲善士壽年七十有四

萬松書院在鳳山門外南嶺上舊有報恩寺徙入城內後有蜀僧可恕循故址重建

皇明弘治十一年浙江右參政周公木以寺僧傲乃廢寺因舊址取故材改建萬松書院查取衢州先聖五十八代孫生員孔公衢并孔公積來供祠事其院上有芙蓉巖可汲亭石匣泉稍西有水雲亭振衣亭中有飛躍軒西有留月臺東有掬湖臺中有毓秀閣稍西有如圭峰西號房東號房明道堂右有居仁齋左有由義齋中爲大成殿西號房東

號房戟門仰聖門左有曾唯亭右有顏樂亭外有

萬松門萬松書院石坊西有德侔天地石坊東有

道冠古今石坊

錢塘兩峰洪鐘撰重修萬松書院記大哉孔子明

扶世立教凡天下生民之廣不可一日而無者
堯舜禹湯文武周公行其道于上者也孔子刪
述六經垂憲萬世明其道于下者也明斯道以
詔後世使後之知堯舜禹湯文武周公之位而
得以行其道者伊誰之力孔子之功也故曰自
生民以來未有盛于孔子者論其功而隆其禮
宜也先儒韓愈曰自天子而下得以通祀而徧
天下者惟社稷與孔子而其祀事則孔子為尤
盛蓋自國學以至於天下郡縣之學莫不有孔
子廟貌以虔奉而時享之矣而于佳勝之所又
有書院之設蓋人心景仰無時無處而不用其
誠也浙江省城南門外為萬松嶺有古廢寺遺

仁和縣志卷五

三

址存焉極高明而最幽勝左衿長江右帶巨湖
俯視萬家舉在目前浙藩參政周君木嘗寓解
清戎于斯愛其佳勝白之撫按修葺正殿三開
肖先聖及四配像又立十哲木主于內西廊為
齋室各五間後為明道堂五開時進三學生徒
講明經義衣冠萃止理道斯明偏左有亭三開
扁曰顏樂前為大門一開扁曰萬松書院仍查
取衢州先聖五十八代孫生員孔公衢并孔公
積來供祠事又撥廢寺山地開田一百七十畝
以備祭儀奈歲久頽圯茲者侍御巡按邵陽唐
君鳳儀南畿何君鉞清嶽東魯王君秀清戎泰
和陳君惠鳴權部遼陽范君總乃協謀修復移
檄杭州府俾腐者易之圯者覽之未備者補之
前之殿堂廡亭既皆修葺壯固矣而于兩廡各
增建廊房五間連前共二十間使學者有所止
宿又于前右建亭三間扁曰曾唯以對顏樂亭
後偏左高處舊有留月臺增為軒四楹扁曰飛
躍前門大道東西增石坊二座左曰德侔天地
右曰道冠古今規制宏敞視昔有加翬飛輪奐
粲然一新經始于正德辛巳之春落成于是歲

之冬提調則知府劉君志淑同知楊君磐通判
喬君遷督工則杭州前衛知事嚴綱也事竣僉
謂不可無述以示永久乃過予請紀其事予惟
皇明聖聖相承益隆治道而于教養之政尤切焉
以故侍御之臣仰體德意于作養學政生徒之
外又有修復書院蓋欲山林田野之人來歌來
游者睹羹精于而貌仰聖道如日星不為異端
所惑邪說所誣咸知為子而孝為臣而忠為長
幼朋友而序且信則風化大行人文丕著其于
世道未必無補也故余忘其蕪陋勉為紀其顛
末使歷諸
堅與云

新建伯餘姚王守仁撰增修萬松書院記

省南門外當湖山之閒弘治初參政周君近仁
因廢寺之址而改為之廟貌規制略如學宮延
孔氏之裔以奉祀事近年以來有司相繼緝理
地益以勝然亦止為遊觀之所而講誦之道未
備也嘉靖乙酉侍御潘君景哲奉
命來巡憲度不肅文風聿新既簡鄉闈收十一郡之

仁和縣志卷五

三

賢而上之南宮矣又以遺才之不能盡取為憾
思有以大成之乃增修書院益廣樓居齋舍為
二十有六楹具其器用置贍田若干頃揭朱子
白鹿之規倫彥選俊肄習其閒以倡列郡之士
而以屬之提學僉事萬君汝信汝信曰是固潮
之責也已藩臬諸君咸贊厥成知府陳力推官
陳策輩相協經理知事嚴綱董其役閱月踰旬
工訖事舉乃來請言以紀其事惟我
皇明自國都至于郡邑咸建廟學羣士之秀專官列
職而教育之其于學校之制可謂詳且備矣而
名區勝地往往復有書院之設何哉凡以匡翼
夫學校之所不逮也夫三代之學皆所以明人
倫今之學宮咸以明倫名堂則其所以立學者
固未嘗非三代之意也然自科舉之業盛士皆
馳騖于記誦詞章而功利得喪分惑其志于是
師之所教弟子之所學者遂不復知有明倫之
意矣懷世道之憂者思挽而復之卒亦未知所
措其力譬之兵事當玩弛偷惰之餘則必選將
閱伍更其號令旌旆懸非格之賞以倡勇敢然
後士氣可得而振也今書院之設固亦此類也

與士之來集于此者其必相與思之曰既進我于學校矣而復優我于是何為乎詎獨以精吾之舉業而已乎便吾之進取而已乎則學校之中未嘗不可以精吾之業而進取之心自吾所汲汲非有待于上之人又從而趨之也是必有進于是者矣是固期我以古聖賢之學也聖賢之學明倫而已堯舜之相授受曰道心惟微人心惟危惟精惟一允執厥中斯明倫之學矣道心也者率性之謂也人心則偽矣不雜于人偽率也者率性之謂也人心則偽矣不雜于人偽哀樂中節之和以言其事則為三于三百經曲之禮以言其倫則為父子之親君臣之義夫婦之別長幼之序朋友之信而三才之道盡此矣舜使契為司徒以教天下者教之以此也是固天下古今聖愚之所同具其或昧焉者物欲蔽之非其中之所有不備而假求之于外者也是固所謂不慮而知其良知也不學而能其良能也孩提之童無不知愛其親者也孔子之聖則曰所求乎子以事父未能也是明倫之學雖孩提之童亦無不能而及其至也雖聖人亦有不

仁和縣志卷五

五

能盡也人倫明于上小民親於下齊家國治而天下平矣是故明倫之外無學矣外此而學者謂之異端非此而論者謂之邪說假此而行者謂之伯術飾此而言者謂之支詞背此而行者謂之功利之徒亂世之政雖今之舉業必自此而精之而後不愧于敷奏明試雖今之仕進必由此而施之而後無忝于行義達道斯固國家建學之初意諸君輯書院以興多士之盛心也敢為多士誦之

社學

城內凡五附郭亦設今廢附鐸戶

一在東西壁二圖

一在東西壁三圖

一在東里坊三圖

一在東里坊四圖

一在平安坊二圖

鐸戶

城內凡五附郭亦設今廢

在城八坊三十里鐸戶三十名每名月大支米
三斗遇月小支米二斗九升